

書弟觀鞿以詩畫著名同時鉅野中尉頤塚安圻將軍
頤墉聲詩清拔樂陵王頤璩亦喜稱詩安邱王當遂靖
王曾孫少孤事祖父母以孝聞曾孫頤堀好學秉禮尤
諳練典故藩邸中有大疑輒就決一意韜晦監司守令
希見其面年七十餘猶手不廢書魯府宗室壽鏐家兗
州崇禎中爲雲南通判有聲績永明王由榔在廣西以
爲右僉都御史使募兵值沙定州亂兵不能集孫可望
兵至壽鏐知不免張麾蓋往見之行三揖禮曰謝將軍
不殺不掠之恩可望脅之降不從繫他所使人誘以官
終不從從容題詩於壁或以詩報可望遂遇害